

Lipoti o Fuafuaga Faatino Taula'i 2025

O Fuafuaga Faatino Taula'i (TAPs) o se vaega lea o Le Fuafuaga mo i Latou e iai Aafiaga Tumau i le Soifua a Ausetalia 2021-2031 (le fuafuaga). O ni fuafuaga ia ua faia e malo uma e fa'aleleia ai le soifuaga o tagata e iai aafiaga tumau i le soifua. O le seti lona lua o TAPs na amata ia Ianuari 2025.

O TAP e tolu o le:

- **Amioga a Afioaga** – Suiga o amioga ma mafaufauga o tagata e uiga i aafiaga tumau o le soifua.
- **Aiga ma Afioaga e Talia Tagata uma** – Faafaigofie le ulufale ma le taliaina i fale ma nofoaga faitele.
- **Saogalemu, Aia Tatau ma le Amiotonu** – la mautinoa le saogalemu ma fai ma le tonu tagata e iai aafiaga tumau i le soifua.

O a mea i totonu o le TAPs?

- **Faatinoga a le Atunuu:** O malo uma o le a faia nisi o mea i le auala tutusa i totonu o Ausetalia.
- **Gaioiga a le Setete ma le Teritori:** Na faaopoopo e setete ma teritori ta'itasi ni gaioiga faaopoopo e tusa ai ma mana'oga o le lotoifale.

Tulaga alualu agai luma o le lipotiina:

Na faia e malo uma se tautoga e faasalalau lipoti i le auala o loo faatino ai a latou gaioiga. O nei lipoti o le a:

- faamatala ai pe faapefea i tagata e iai aafiaga tumau i le soifua ma le faalapopotoga o tagata iai aafiaga tumau i le soifua ona auai.
- fa'aali ai tulaga o aga'i iai le malo.

O le lipoti muamua e aofia ai masina e lima mai ia Fepuari 2025 se'ia o'o ia Iulai 2025, o lea e na'o faamatalaga tāua o loo faasoa atu ai. O lipoti i le lumana'i o le a tu'uina atu nisi auililiga ma o le a faamatala le tala e uiga i le auala o loo faatino ai gaioiga ma o latou i'uga.

O le ā e fai ai se Lipoti Lelei?

Na faapea mai le Fono Fauautua o le Fuafuaga e tatau i lipoti lelei ona:

- Aofia ai leo o tagata e iai aafiaga tumau i le soifua.
- Faamatala poo a mea o loo fua ma aisea.
- Fesoasoani i tagata ia malamalama i gaioiga.
- Faasoa fa'ata'ita'iga ma lesona a'oa'oina.
- Manino, faigofie ona faitau, ma aogā.

Fa'aaofia Tagata e iai Aafiaga Tumau i le Soifua i Mea e Fai:

O le a galulue malo ma tagata e iai aafiaga tumau i le soifua e ala i:

- Talanoaga
- Galulue Faatasi (fuafua faatasi)
- Vaega o loo galulue
- Faasoaina o mea feagai ai i le olaga

O nei gaioiga e tatau ona talafeagai, aoga ma tali atu i mana'oga.

Nisi Auala e Auai Ai:

Nisi auala e mafai ona auai ai tagata ma iai se manatu i auala e faatino ai gaioiga:

- O le Fonotaga mo le Fuafuaga i le 2026 o le a ofoina atu nisi avanoa mo tagata e iai aafiaga tumau o le soifua e mafai ai ona auai, ma o fonotaga ta'itasi o le a taula'i atu i vaega eseese o le alualu i luma o le Fuafuaga.
- O le Iloiloga Tuto'atasi mo le 2025–26 o le a aofia ai ni fono ma talanoaga e mafai ai e tagata e iai aafiaga tumau o le soifua, o aiga, tagata o tausia, ma le nu'u ona faailoa o latou manatu e uiga i le Fuafuaga. O tagata e iai aafiaga tumau o le soifua o le a fesoasoani i le filifilia o le tagata iloilo, ma o le a iai o latou sao t'aua i le Komiti Taiala o loo ta'ita'iina le iloiloga.

Saogalemu, Aiā tatau ma le Faamasinoga – Fuafuaga Faatino Taula'i

O lenei Fuafuaga Faatino Taula'i (TAPs) o se vaega lea o Le Fuafuaga mo i Latou e iai Aafiaga Tumau i le Soifua a Ausetalia 2021-2031 (le fuafuaga). O lona sini ia mautinoa o tagata e iai aafiaga tumau i le soifua:

- E lagona le saogalemu
- O latou aiā tatau e fa'alauiloa, tausia ma puipua
- Sa tausia i le fa'amaoni i lalo o le tulafono.

O mea e mana'o lenei TAP e 'ausia

- E malamalama le faiga o fa'amasinoga ma tali atu i tagata e iai mana'oga tumau.
- O faiga faavae ma polokalame e fesoasoani e taofia ai sauaga, aemaise lava fa'asaga i fafine ma tamaiti e iai aafiaga tumau i le soifua.
- Tagata e iai aafiaga tumau i le soifua ua a'afia i ni tulaga faigatā e maua se lagolago sili atu.

Manatunatu i Mea na Tututpu i Tagata Uma

O lenei TAP o le a vaai i auala e mafai ai ona aafia le olaga o se tagata i vaega eseese o lona faasinomaga. E ta'ua lenei o le auala faafefiloi o faasinomaga. E feagai nisi tagata ma le sili atu i le tasi ituaiga o togafitiga lē talafeagai.

- Tagata e iai aafiaga tumau o le soifua i nofoaga i tua ma mamao
- Tagata o Malo Muamua e iai Aafiaga tumau o le soifua
- Tagata e tupuga mai i aganu'u ma gagana eseese
- Tina ma tama'ita'i e iai aafiaga tumau o le soifua
- Tagata LGBTIQ+ e iai aafiaga tumau o le soifua
- Tupulaga talavou e iai aafiaga tumau o le soifua.

Gaioiga a le Atunu'u – Saogalemu, Aia Tatau ma le Fa'amasinoga Tonu

E fesoasoani tagata e iai aafiaga tumau e ta'ita'ia lenei galuega. O le Malo o Ausetalia, faatasi ma malo o setete ma teritori, o le a galulue faatasi e faatino ma le manino ma le faamaopoopoina o gaioiga. O le Matagaluega o le Soifua Maloloina, Aafiaga Tumau o le Soifua, ma le Matutua o le a fesoasoani e faatino le Fuafuaga Faatino Taula'i (TAPs).

Sini: Tagata e iai aafiaga tumau i le soifua ia lagona le saogalemu, ia puipua a latou aiā tatau, ma tausia tutusa i lalo o le tulafono.

O a mea i le Fuafuaga?

O le Safety, Rights and Justice TAP e aafia ai gaoioiga e 4 a le atunu'u i lalo o sini autu e 3.

O malo uma o le a galulue faatasi i le isi 3 tausaga ia faatino gaoioiga nei i se auala faifaipea. Ina ia ausia lenei mea, o le a galulue fa'atasi le malo e ala i le:

- fa'asoaina lea o fuafuaga ma manatu
- a'oa'oga fa'apitoa i le va o setete/teritori ma le Malō o Ausetalia
- galulue ma tagata e iai aafiaga tumau o le soifua.

Gaoioiga mo le auai faatasi a le atunu'u – galulue faatasi i le lautele o Ausetalia

O lo'o fuafuaina ma faatinoina nisi o gaoioiga eseese e lagolago ai sini a le atunu'u. O nei gaoioiga e fesoasoani e faatino aga'i luma ai gaoioiga a le atunu'u.

Fa'aleleia le Lagolago i le Fa'amasinoga

I le masina o Tesema 2024, na amata fa'amalosia ai tulafono fou e lagolago atili ai tagata vaivai i fa'amasinoga solitulafono a le Malo o Taupulega. Na latou faatagaina:

- Se tagata vaivai e tu'uina atu se molimau ua pu'eina muamua
- E le mana'omia e se tagata vaivai ona tu'uina atu molimau e sili atu i le tasi, se'i vagana ua poloa'ia e le fa'amasinoga e tata ai
- E tata i fa'amasinoga ona tu'uina atu faamatalaupu mo tagata e faigatā i le fesoota'i po'o le malamalama i le gagana Peretania.

E fesoasoani lenei mea i tagata e iai aafiaga tumau o le soifua ina ia mafai ona auai i fa'amasinoga ma le fa'amaoni ma le saogalemu. E silia ma le 200 tagata fai sao mai le malo ma fa'alapotopotoga tuma'oti na fesiligia e fesoasoani i le fausia o lenei tulafono, e aafia ai vaega e finau mo tagata na a'afia ma tagata sao mai sauaga, fai auaunaga fa'aletulafono, fa'alapotopotoga fa'aletulafono a tagata Aboriginal ma Torres Strait Islander, matagaluega a le malo, fa'amasinoga, faapea ma ofisa o moliaga ma leoleo.

Lagolagoina Tama'ita'i ma Tamaiti e iai Aafiaga Tumau o le Soifua

Na faia e le Department of Social Services se ta'iala fa'apitoa e ta'ua o le Disability Lens on the First Action Plan (DL1AP). E fesoasoani lenei mea i tama'ita'i ma fanau e iai aafiaga tumau o le soifua ina ia malamalama i le auala e lagolago ai i latou le Fuafuaga a le Atunu'u e Taofia Sauaga fa'asaga i Tama'ita'i ma Tamaiti.

I le va o Ianuari ma Iuni 2025, na talanoa le matagaluega ma:

- Tama'ita'i e iai aafiaga tumau o le soifua
- Faalapotopotoga o Tagata e iai Aafiaga Tumau o le Soifua
- Fai auaunaga mo aiga ua a'afia i sauaga
- Tagata Ofisa o le Malo.

Gaoioiga a Setete ma Teritori – Saogalemu, Aia Tatau ma le Amiotonu

Ua fuafuaina e malo o setete ma teritori a latou lava gaoioiga e tali atu ai i mana'oga o nu'u i totonu o lo latou itumalo. I totonu o lenei lipoti o malo taitasi o lo'o fa'amatala ai le auala o le a aafia ai tagata e iai aafiaga tumau o le soifua ma le nuu o aafiaga tumau o le soifua i le faatinoina o nei gaoioiga.

Niu Sa Uelese (NSW)

Faamatalaga amata

O lo'o galulue le Malo o Niu Sa Uelese e fesoasoani i tagata faigaluega o le nu'u ma tagata faigaluega i luma ina ia sili atu lo latou malamalama ma tali atu i le pule faamalositia (o se ituaiga sauaga) fa'asaga i tagata e iai aafiaga tumau o le soifua ma tagata matutua.

O lo'o faia e le Matagaluega a le Malo o Niu Sa Uelese – Ageing and Disability Commission (ADC) ni punaoa e fesoasoani ai i tagata faigaluega ina ia sili atu lo latou mautinoa i le taofia ma le tali atu i sauaga. Ia Mati 2025, na fa'atautaia ai e le ADC se webinar mo le silia ma le 300 tagata faigaluega a le Soifua Maloloina NSW. Na fesoasoani le sauniga i tagata faigaluega e sili atu lo latou malamalama i le matafaioi a le ADC ma le auala e galulue fa'atasi ai i le tali atu i sauaga, le lē amana'iaina, ma le fa'aogaina o tagata matutua ma tagata e iai le aafiaga tumau o le soifua.

I le 2025, o lo'o galulue fa'atasi le Malo o Niu Sa Uelese ma le Centre for Community Welfare Training (CCWT) e fa'atautaia ni webinars fai fua i luga o le initaneti e ta'ua o Effective Interventions ma Coercive Control. O nei a'oga e mo tagata faigaluega o lo'o galulue i auunaga mo sauaga i totonu o aiga ma auaga.

I le aso 19 o Novema 2024, na fausia ai e le Palemene a Niu Sa Uelese le Komiti Soofaatasi a le Palemene mo Tagata Matutua ma Tagata e iai Aafiaga Tumau o le Soifua O lenei komiti:

- Iloilo le galuega a le ADC
- Va'ai i lipoti ma aga fa'aonaponei
- E fesoasoani e fa'alautele le silafia o mataupu o lo'o a'afia ai tagata e iai aafiaga tumau o le soifua ma tagata matutua i NSW.

Vitoria (VIC)

Faamatalaga amata

Ia Fepuari 2024, na fa'aailoa ai e le Malo o Vitoria o le a faia ni suiga i le auala e fa'atautaia ai auunaga mo tagata e iai aafiaga tumau o le soifua. Ua latou fuafua e:

- Fa'agaioi galuega a fa'alapotopotoga e lua (le Victorian Disability Worker Commission ma le Disability Services Commissioner) i se fa'alapotopotoga fou e ta'ua o le Social Services Regulator.
- Fausia se auala fou mo tagata e mafai ai ona faia faitioga e ala i le Regulator.

O lo'o talanoa le Malo ma tagata ma fa'alapotopotoga ina ia mautinoa e le fa'aitiitia e nei suiga le saogalemu po'o aia tatau a tagata e iai aafiaga tumau o le soifua.

O lo'o lesitala e le Regulator auunaga i vaega fa'asolosolo. O le vaega mulimuli e lesitala e aofia ai auunaga mo tagata e iai aafiaga tumau o le soifua e fa'atupeina e le Transport Accident Commission ma le WorkSafe. Ua amata nei lenei faiga. Ua fa'atūina e le Regulator ni auala e talanoa ai ma vaega eseese e fesoasoani i le fa'atautaiga o le faiga fou. E aofia ai:

- O se Komiti Fautuaina fa'atasi ma fa'alapotopotoga taua o auunaga lautele ma isi vaega.
- E Tolu Vaega Faasino e fesoasoani i le faiga fou. O nei vaega e aofia ai fa'alapotopotoga e tu'uina atu auunaga lautele, tagata o le First Nations, ma tagata e fa'aogaina auunaga lautele.

O nei vaega o le a mautinoa e lagonaina ma aofia ai le tele o leo mai le nu'u.

O lo'o fa'aauau pea e le Victorian Disability Worker Commission ma le Disability Worker Registration Board of Victoria le fa'atautaiga o le Disability Worker Regulation Scheme. O lenei faiga e fesoasoani e mautinoa e saogalemu tagata faigaluega i le vaega o le aafiaga tumau o le soifua ma e faia galuega lelei. I le taimi nei, e tusa ma le 155,000 tagata faigaluega i le vaega o le aafiaga

tumau o le soifua i Vitoria e tatau ona mulimulita'i i tulafono o le fuafuaga. Pe tusa ma le 1,000 tagata faigaluega ua resitala aloaia.

Tasmania (TAS)

Faamatalaga amata

I le aso 1 Iulai 2025, na amata ai tulafono fou i Tasmania. E ta'ua o le Disability Rights, Inclusion and Safeguarding Act 2024. Ua aumaia e lenei tulafono e aumai tulafono fou e fesoasoani ai i tagata e iai aafiaga tumau o le soifua. E mana'omia le Malo Tasmania ma isi faalapopotoga e:

- Fai fuafuaga e aafia ai tagata e iai aafiaga tumau
- Talanoa ma tagata e iai aafiaga tumau o le soifua pe a fai faai'uga
- Lipoti i le tulaga o latou faaleleia ai mea.

O nei fuafuaga o se vaega o le Fuafuaga Tele mo le Auai o Tagata e iai Aafiaga Tumau o le Soifua i Tasmania. O le tulafono fou o fuafuaga o le a fesoasoani:

- E aafia ai tagata e iai aafiaga tumau o le soifua i aso uma o le olaga
- Ave'esea mea fa'alavelave e taofia ai tagata e iai aafiaga tumau o le soifua mai le fa'aaogaina o auaunaga
- Fesoasoani i tagata e iai aafiaga tumau o le soifua e maua ma tausi galuega
- Sui uiga ma gaioiga le talafeagai
- Fa'amautinoa e galulue fa'atasi auaunaga, e aafia ai ma auaunaga e fa'atupeina e le NDIS.

O le a fesoasoani lea i Tasmania e fai galuega lelei mo tagata e iai aafiaga tumau o le soifua ma ausia sini taua. E faapea mai fo'i le tulafono e tatau i le Malo ona talanoa ma tagata e iai aafiaga tumau o le soifua pe a faia pe suia ni faiga fa'avae, polokalame, po'o auaunaga e a'afia ai le lautele. E tatau i nei talanoaga ona tonu ma fetu'una'i, ina ia maua e tagata e iai aafiaga tumau o le soifua le avanoa tutusa e fa'asoa ai o latou manatu e pei o isi tagata.

Na fesoasoani tagata e iai aafiaga tumau o le soifua e fausia lenei tulafono. Sa auai fo'i i le tele o faatalanoaga, e aafia ai fonotaga a le nu'u ma talanoaga ma vaega e pei o le Premier's Disability Advisory Council, Minister's Disability Consultative Group, Disability Voices Tasmania, ma fa'alapotopotoga e lagolago ai e pei o le Speak Out Tasmania, Advocacy Tasmania, ma le Association for Children with Disability Tasmania.

O lo'o faia nei e le Malo o Tasmania se Ta'iala mo Talanoaga e aafia ai Tagata e iai Aafiaga Tumau o le Soifua. O le a fesoasoani lenei mea i fa'alapotopotoga e mulimulita'i i le tulafono fou ma lagolagoina le Fuafuaga mo Tagata e iai Aafiaga Tumau o le Soifua.

Kuiniselani (QLD)

Faamatalaga amata

O lo'o su'esu'e le Malo o Kuiniselani auala e fa'aleleia ai tulafono e fa'atatau i le fa'aaogaina o faiga e taofia ai tagata i auaunaga mo le aafiaga tumau o le soifua. O ni gaioiga ia e taofia ai le sa'olotoga o se tagata, ma e fa'aaoga na'o le puipua o le saogalemu o tagata. E mana'o le Malo e:

- Faamautinoa o saogalemu tagata e iai aafiaga tumau o le soifua
- Fai faai'uga vave
- Faafaigofie mea mo auaunaga.

Ua atia'e e le Department of Youth Justice and Victim Support (DYJVS) se fuafuaga fou e fesoasoani ai i tupulaga talavou e iai aafiaga tumau o le soifua i totonu o le faiga fa'amasino mo tupulaga talavou. O lenei fuafuaga e ta'ua o le neurodevelopmental framework. Ina ia fausia le fuafuaga, sa galulue fa'atasi ma Tagata Muamua o le atunuu, Toeaina, pe tusa ma le 300 tagata mai le itu atoa o Kuiniselani ma le auaigaluega a le DYJVS.

Ua fa'atūina se 'au fa'apitoa mo le fa'atinoga o faiga mo tagata e iai aafiaga tumau o le soifua, ina ia fesoasoani i le fa'atinoina o lenei fuafuaga.

Na galulue le Department of Families, Seniors, Disability Services and Child Safety (DFSDSCS) ma tagata atamamai e fausia ni punaoa e fa'atatau i le coercive control, e faigofie ona malamalama ai ma e fa'aaloalo i aafiaga o tagata. O nei punaoa o se vaega o le Coercive Control Communication Framework 2024–27. Na fesoasoani tagata e iai le aafiaga tumau o le soifua, tagata tausī, auaunaga, ma Tagata Aboriginal ma Torres Strait Islander e fuafuaina nei punaoa. O le a fa'asoa atu i le fa'ai'uga o le tausaga 2025.

O lo'o mana'o le Queensland First Nations Justice Office ma le Department of Justice e fa'amautinoa e saogalemu fa'ale-aganu'u le faiga o fa'amasinoga mo Tagata Muamua o le atunuu e iai aafiaga tumau o le soifua. O lo'o galulue fa'atasi ma le QDN ma le Mob 4 Mob fa'apea ma isi Tagata Muamua o le atunuu e iai aafiaga tumau o le soifua, o ē ua iai aafiaga moni i le faiga o fa'amasinoga mo soligatulafono.

O lo'o mana'o le Legal Aid Queensland (LAQ) e fa'aleleia fesoasoani ma auaunaga mo Tagata Muamua o le atunuu e iai aafiaga tumau o le soifua. Ua latou:

- Faia se lisi o auaunaga e fesoasoani ai i tagata e saili lagolago
- A'oa'oina tagata faigaluega ina ia tuu atu fesoasoani faaletulafono sili ona lelei
- Toe tatalaina se laina telefoni fa'apitoa mo Tagata Aboriginal ma Torres Strait Islander, e aofia ai ma i latou e iai aafiaga tumau o le soifua
- Amata se poloketi e fa'afaigofie ai auaunaga fa'aletulafono ina ia malamalama i aafiaga o mea e tutupu ma ia lagolagoina tagata.

Ua galulue Leoleo a Kuiniselani ma tagata faufautua o Tagata Muamua e fausia ai se Cultural Safety Framework—o le muamua lea i le tala fa'asolopito o leoleo i Ausetalia. E vaai pe fa'apefea ona a'afia e le aganu'u, le aafiaga tumau o le soifua, le ituaiga tagata, ma le itupa le saogalemu ma le aofia ai. Na fesoasoani tagata ua iai tomai ola e fausia ai, ma o le a mae'a i le masina o Setema 2025.

Ausetalia i Saute (AS)

Faamatalaga amata

O lo'o galulue le Malo o Kuiniselani i Saute e fa'amautinoa e saogalemu ma fa'aaloalo tagata e iai aafiaga tumau o le soifua, aemaise lava i totonu o le faiga o fa'amasinoga mo soligatulafono. O lenei galuega o se vaega o le Fuafuaga Faatino Taula'i (TAP) o le Saogalemu, Aia Tatau ma le Amiotonu, ma o lo'o ta'ita'ia e le Department of Human Services (DHS) ma le Department for Correctional Services (DCS).

O se suiga tele o le fa'alauteleina o le Polokalame o Tagata Asiasi a le Nuū (Community Visitor Scheme - CVS). O lona uiga o le a asiasi atu le CVS i auaunaga mo tagata e iai aafiaga tumau i le soifua e le o ni a'oa'oga a le malo, fa'apea fo'i ma fale tumaoti.

O lenei suiga e mulimulita'i i fautuaga mai le Komisi o Tagata e iai Aafiaga Tumau o le Soifua (Disability Royal Commission) ma le Iloiloga a le NDIS. O le Malo o Saute Ausetalia o lo'o fesoasoani e ta'ita'iina se poloketi a le atunu'u ina ia tutusa le fa'agaioiga o le Community Visitor Scheme (CVS) i Ausetalia atoa. Ua fesoasoani tagata e iai aafiaga tumau o le soifua e fausia lenei galuega e ala i:

- Vaega galulue fa'atasi e iai fa'alapotopotoga o tagata e iai aafiaga tumau o le soifua
- Fa'atalanoaga e fa'alogi ai i manatu o tagata e uiga i le saogalemu ma aia tatau
- E lua faatalanoaga e maua mai ai manatu mai le nu'u.

O le a fesiligia nisi tagata e fa'asoa o latou manatu, e aofia ai i latou o lo'o nonofo i nofoaga fesoasoani po'o fale tuma'oti, e pei o:

- Afioaga o Tagata Apoliki
- Vaega eseese faaleaganu'u
- Tagata e iai aafiaga tumau i le mafaufau.

O lo'o fausia e le DHS Youth Justice se Enhanced Support Model (ESM) fou e fesoasoani ai i tupulaga talavou o lo'o i le falepuipui ma e iai mana'oga faigata ma aafiaga tumau o le soifua. O lenei mea faata'ita'i o le a faata'ita'i i se iunite 12-moega faapitoa e iai potu lagona ma avanoa mo togafitiga. O lo'o fuafuaina le fa'atalanoaga, ma o le a aofia ai tupulaga talavou mai Kurlana Tapa, tagata faigaluega, ma pa'aga tautua. O lo'o galue fo'i le DHS Youth Justice i le fausiaina o se Youth Justice Practice Framework fou.

Ausetalia i Sisifo (WA)

Faamatalaga amata

Ia Iulai 2024, na fa'asalalau ai e le Malo o Ausetalia i Sisifo lana tali i le Disability Royal Commission. O le la'asaga muamua lenei i le faia o suiga tāua e fa'aleleia ai le soifuaga o tagata e iai aafiaga tumau o le soifua.

O le isi la'asaga o le Faatinoga o le Auala o Fuafuaga a Ausetalia i Sisifo. O lenei fuafuaga o le a ta'ita'ia ai pe faapefea ona faia suiga. Ina ia fesoasoani i le fuafuaina ma le faatinoina o nei suiga o le a galulue faatasi le Malo WA ma:

- Tagata e iai aafiaga tumau i le soifua
- Aiga
- Tagata Tausi
- Tagata Lagolago

Talu mai Iulai 2022, ua tu'uina atu e le State Disability Advocacy Program (SDAP) le \$5 miliona i tausaga ta'itasi e lagolago ai auaunaga fa'afautua i Ausetalia i Sisifo. O nei 'auaunaga e fesoasoani i tagata e iai aafiaga tumau ina ia tautatala ma maua lagolago, aofia ai i totonu o le faiga o faamasinoga. O nisi faalapotopotoga o loo galulue faatasi e fesoasoani i tagata e iai aafiaga tumau o le soifua i le faiga o faamasinoga e aofia ai:

- Auaunaga a le Midland Information Debt ma le Fauautua Faaletulafono
- Tagata e iai Aafiaga Tumau WA
- Sussex Street Community Law Service
- Great Southern Community Legal Services

Ia Fepuari 2025, na fa'asalalau ai se Casework Practice Manual fou e ta'ua o le 'The Guide' mo tagata faigaluega i le puipuiga o fanau, ma o lo'o iai se vaega fou e ta'ua o le Disability Practice Guidance. E fesoasoani lenei vaega i tagata faigaluega i le puipuiga o fanau e malamalama i le auala e lagolago ai fanau ma aiga e iai aafiaga tumau o le soifua, aemaise lava i latou o lo'o a'afia i le child protection system. E to'atele faalapotopotoga na fesoasoani i le faia o lenei ta'iala.

Teritori i Matū (NT)

Faamatalaga amata

O lo'o fa'aaogaina e le Northern Territory Department of Corrections se fa'ata'ita'iga e fa'avae i le auala a Ausetalia i Saute i le fesoasoani mo tagata e iai aafiaga tumau i le falepuipui. Na fesoasoani Ausetalia i Saute i le 'au a le Northern Territory e amata i le fa'ai'uga o le 2024, e ala i le fesoasoani i le fa'afaigaluegaina o tagata faigaluega ma le lagolago i le fuafuaina ma fonotaga ma vaega tāua. O le 'au nei ua latou:

- Faaleleia auala e fai ai mea

- Vaai mo auala e galulue ai ma faalapotopotoga o afioaga
- Faamautinoa latou te lagolago ma le fa'aaloalo tagata, aemaise mo Tagata Muamua (First Nations), tama'ita'i, tupulaga talavou, ma tagata LGBTQIA+.

O tagata i falepuipui e iai aafiaga tumau o le soifua e mafai fo'i ona iai mana'oga fa'afaigata i le soifua maloloina ma lagona, ma e tatau ona manatu i ai i le tausiga. Ia Iuni 2025, ua maua e le vaega le silia ma le 130 tagata faasino mai. E 64 tagata i le falepuipui ua uma ona i le NDIS, ma o isi o lo'o iloiloina e foma'i faapitoa o le mafaufau po'o occupational therapists.

O tagata uma o le vaega iloilo e auai i le cultural ma clinical supervision ina ia mautinoa e fa'aaloalo, saogalemu fa'aleaganu'u, ma fetauti ma mana'oga ta'ito'atasi o tagata.

O lo'o galulue le vaega a le DoC ma le tele o fa'alapotopotoga, e aofia ai:

- Anti-Discrimination Commission
- Magataluega o Soifua Maloloina
- Soifua Maloloina Muamua
- Forensic Mental Health and Disability Units
- Ofisa o Aafiaga Tumau o le Soifua
- Faamasinoga a le Autalavou
- Ofisa Faaletulafono Puiapuia Ala Tatau o le Lautele
- Fai auaunaga NDIS
- Auaunaga Faaletulafono
- Charles Darwin University
- RMIT (mo faatalanoaga su'esu'e a le atunuu i le 2025).

Teritori o le Taulaga o Ausetalia (ACT)

Faamatalaga amata

O lo'o galulue le Malo o le ACT fa'atasi ma tagata e iai aafiaga tumau o le soifua e fa'aleleia ai faiga fa'apolokiki, faiga fa'avae, ma auaunaga e a'afia ai o latou olaga. O lenei galuega e lagolagoina e le Tulafono o le Fa'aofiina o Tagata e iai Aafiaga Tumau i le Soifua 2024, lea e fa'ata'atia ai tulafono manino mo le fa'aleleia o tulaga. E mana'omia e le Tulafono:

- Ina ia fa'atūina se Fono Fauautua mo Tagata e iai Aafiaga Tumau o le Soifua e tu'uina atu fautuaga i le Minisita i mataupu e a'afia ai tagata e iai aafiaga tumau o le soifua.
- E tatau i fa'alapotopotoga uma a le Malo o le ACT ona faia Fuafuaga mo le Fa'aofi o Tagata e iai Aafiaga Tumau o le Soifua. E tatau ona faia nei fuafuaga e ala i le aofia ai o tagata e iai aafiaga tumau o le soifua, o latou aiga, tagata tausī, ma fa'alapotopotoga o tagata e iai aafiaga tumau o le soifua.

O lo'o mana'o le Malo o le ACT ia fesoasoani tagata e iai aafiaga tumau o le soifua i le ta'ita'iina o suiga i le saogalemu, aia tatau, ma le fa'amasinoga.

O nisi faatinoga ACT e aofia ai:

- E tatau ona aofia le nu'u i le fa'aleleia o tulafono o puipuiga ma le faiga o faai'uga ma faagasologa o mea.
- O lo'o faia e le ACT Courts se matafaioi fou e fesoasoani atili ai i tagata e iai aafiaga tumau o le soifua.
- Galulue ma vaega o afioaga ina ia faia ni a'oa'oga mo tagata faigaluega e iai aafiaga tumau o le soifua. O lenei a'oa'oga o le a fesoasoani i tagata faigaluega ia malamalama ai i faafitauli ogaoga, sauaga, ma le tuulafoa'iina. Tagata e iai aafiaga tuma o le soifua na ola ma sao mai nei mea na tutupu o le a faia a'oa'oga.